



## **Universitätsbibliothek Paderborn**

**Dei Immortalis In Corpore Mortali Patientis Historia**

**Stanyhurst, Guillaume**

**Coloniæ Agrippinæ, 1694**

§. V. Christi ad servum percutientem mitiſima verba.

[urn:nbn:de:hbz:466:1-49178](#)

exemplum Christi? O Fili DEI vivi, splendor glorie, Hebr. II.  
 & figura substantiae ejus, quis in tua Divina facie im- 13.  
 pressit signum, & figuram tam detestandam? Hæc,  
 hæc fuit manus illa execranda, quam extendit ad  
 vindictam, iracundia; ad impudicitiam, luxuria;  
 ad iniquitatem, injustitia. O Pater æterne! cu-  
 jus hæc est è tonitruanti cœlo vox illa fulmina-  
 trix, Levabo ad cœlum manum meam, & dicam: Vivo  
 ego in æternum. Si acuero ut fulgar gladium meum, & Deut. 32.  
 arripuerit judicium manus mea: reddam retributionem 40.  
 hostibus meis. Manum tuam longe fac à me, & noli re- 1ob. 13. 11  
 spicere manum percutientem, sed faciem per-  
 cussam: & propter amorem quo te prosequitur  
 Filius, & quo tu prosequeris Filium, desine me  
 prosequi inimicum, ut aliquando videam illam  
 faciem à me, & pro me percussam, non perspec- 1. Cor. 13.  
 tum in anagnate, sed facie ad faciem. 12.

## §. V.

*Christi ad servum percutientem mihi sima verba.*

Christus jam contra omne ius, & fas percu-  
 sus, cum videret Pontificem non fungi, uti  
 par erat, suo officio: illius enim erat, illum, qui  
 percuesserat, corripere; functus est Christus ejus  
 officio, dum illū admonuit officii: correxit enim  
 servum apertè, & Ponificem tacitè, in ejus cri-  
 men suo silentio consentientem, dicens: Simale lo. 10.  
 cutus sum, testimonium perhibe de malo: si autem benè,  
 quid me cædis? Non dicit si mala, sed male, id est  
 malo animo, pravaq; ratione, testimonium perhibe  
 de malo. Non enim est vel malitiæ, vel arrogantiæ  
 argumentum, constanter, & liberè loqui pro ve-  
 ritate, & de illa gloriari, illamq; judici ob jicere  
 ad patrocinium. Testimonium perhibe de malo. Tu  
 um non est mox vindicare, ut justitiæ executor,



gatio, nostra est confusio. O quanti pondetis interrogatio ! constat tantum tribus vocalis, sed quantum quævis vocula pondus habet ! *cur me cædis?* Quæritur primò causa, *cur?* redde rei tam indignæ rationem : quæ te ad tantum flagitium causa movet? fare, *cur?* An quia cum non esles, te procreavi? An quia cum jam esles, ne desineres esse, conservavi? An quia, cùm à me conservatus, jam per te perieras, redemi? An quia, postquam redemptus, gratiâ meâ excideras, sexcenties te in gratiam recepi ? An qui tot tibi exhibui amoris argumenta, quot sunt viæ tuæ momenta? *cur me cædis?* An propter charitatem nimiam, qua dilexi te? propter curam, quam de te gessi? propter favorem, quo te semper sum prosecutus? *cur?* quæ causa est tanti sceleris? *cur me cædis?* Me, in tui causa advacatum, in periculis protectorem, in necessitate amicum, in solitudine socium, in mœrore consolatorem? Me? tibi solicitudine fratrem; amore patrem, fidelitate sponsum, felicitate summum bonum, in omnibus Deum? *cur me cædis?* Multum esset mihi non placere, grave displicere, grayissimum in minimo offendere, quid cædere? *cur me cædis?* Fateor, reus sum ex omni parte, seu queratur causa cur feci, seu persona cui feci, seu injuria quam feci : causa nulla est nisi mea nequitia. Facere volui, quod minimè debui: persona, cui feci, tanta est, ut cùm infinita sit ejus Majestas, debeatur ei omnis honor; cùm infinita sit ejus Justitia, omnis timor; cùm infinita sit ejus Bonitas, omnis amor. Injuria tanta est, quanta non potest satis totâ æternitate puniri. Habebat iratum sibi Saulem David; tamen cum jam Saul esset in manu Davidis, sicut ei posset tollere vitâ, & simul succedere in regnum, haberetq; qui ad

**I. Reg. 24.** hoc eum stimularent amicos, respondit: Non extendam manum meam in Dominum meum; quia Christus Dominus est. Et ego tamen extendi manum meam in te Christum Dominum, qui sum opus manuum tuorum: manus enim tuae fecerunt me. Toties faciem tuam cæcidi, quoties in peccatum cecidi. Quid dicam, quando veniam & apparebo ante faciem tuam? quod ego jam convertam faciem meam? si suspicio, timeo fulgurantem gladium Justitiae; si despicio, horreo inferorum barathrum; si circumspicio, video hostium minantium in circuitu exercitum. Hæc omnia ut declinem, tibi supplico, ô Pater ut non aspicias indignitatem sceleris mei, sed respice in faciem Christi tui.

## C A P U T III.

## Christus in domo Caiphæ.

## §. I.

## Falsa contra Christum testimonia.

**Ps. 39. 7.** **S**Acro plenus horrore, & ingenti attonitus stupore, ingredior domum Caiphæ, hoc est seminarium injustitiae, auditurus ea, ad quæ ambæ arrestinnt; visurus quæ è geminis oculis deducent exitus aquarum, fontes lachrymarum. Tu interim, qui aures persecisti mihi, dum hæc audio, inclina aurem tuam mihi: sonet vox tua in auribus meis.

**Ps. 16. 6.** **Cant. 2.** Tu, qui diligis me, ut pupillam oculi tui, si inveni gratiam in oculis tuis, illumina oculos meos, ut videam visionem hanc magnam, quæ est mirabilis in oculis nostris. In hac domo proponetur nobis summus Judaicæ Synagogæ Pontifex, & supremus sacri Concilii Judex Caiphas, coram quo magni consilii Angelus, primò falsè accusatus, deinde inique

**14.**

**Ps. 16. 8.**

**Ps. 12. 14.**

**Exod. 3. 3.**